

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خارج ایچون سنه لکی
۳۲۵ غروشدور .

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ نسخه در .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیله اعاده اولنماز .

تذکره

۱۳۳۹

ادرس تبدیلنده آریجه
۵ غروش کوندورملیدر .

مکتوبلرک امضالری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرس لرینگ
فرانسزجه یازلسی رجا اولنور .

پاره کوندورلدیکی زمان نهیه
داثر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

سبیل الرشاد هبره اسمعیه

— شیخ محسن قانی الظاهری حضرتلرینه —

یکی علم کلام حقده کی تنقیدلری اوقودم ، ذات عالیلری کی ارباب تفکر و تدقیقک از عاجزی بی تعقیب ایتلری جدا شایان شکراندر ؛ یالکنز اثر کتری هنوز ساحه انتشاره وضع اولونه دن اول در میان اولنان فکری طوغریسی عجله بولدم ، کلام تسمیه سی حقده بلا لزوم مناقشات لفظیه قبوسی آچیه ده بیان عالیکنز ایله متناسب بولدم . مقدمه بی تشکیل ایدن ایلك کتاب بوکره نشر اولندی ؛ بستیون یکی برطرزده قلمه آلتان ایلك کتابزه ، خصوصاً دیباجه ایله فصل ثانیک ایکنجی ، اوچنجی ، سکیزنجی بندلرینه برکره اصرار نظر اولنسون . کوریلیرکه جدلیات کلامیه ، مناقشات لفظیه آتیلمش ، باطنی الحاددن عبارت اولان باطنیه ، طائفه سندن ماعدا فرقلر حقده اصلا طعن وقوع بولماشدر . اوپله امید ایدرم که کتابزهی مطالعه ایتدکن صوکره فکر عالیلری خیلیدن خیلیه تعدیل اولنه جقدر . اصل مسائل کلامدن بحث ایدن ایکنجی و اوچنجی کتابلرده ده بیانجیلر اصلا حرم اسلامه آلمامشدر .

کلام تسمیه سی حقده اراد اولنان وجهلرک هیچ بری ، کتابزده اشارت اولندی فی اوزره ، قطعی دکادر ؛ هنوز عباسیلرک ظهور ایتدیکی برزمانده کلامک ظهوری نظر دقتدن دور طوتیلما ملیدر . جدل حسن قرآن مبینک ارشاد ایتدیکی دعوت طریقلرندن بری در . و جالهم بالقی هی احسن - سورة نحل .

باقی احترامات فائمه مک قبولی .

ازمیری

اسماعیل هفی

انقره ۲۰۰ خیران ۳۳۹

استانبول مدرسه لری

— ۲ —

کچن نسخه ده استانبول مدرسه لری - بنالری نقطه سندن - تدقیق ایدرک بو باده کی دوشونجه لری در میان ایتشدم . شمدی بومدرسه لرک اداره جهتلرینی - صولک زمانلره عائد برتاریخچه - فی چیز دکن صکره - ینه مطالعه لرمک علاوه سیله ذکر و بیان ایدیورم .

استانبول مدرسه لری ؛ دور حمیدیه اداره نقطه سندن بوکونکی کی ویا بوکا بکزر بر تشکیلاته تابع و مالک دکل ایدی . هر مدرسه نک اکثریسی حسی ، بر قسمی پک جزئی وظیفه معینلی اولمق اوزره در مدرسی ، برر ، بعضاً ایکیشر بوانی واردی .

مدرسسلر ، درس اوقوتقله مکلف اولمقلری کی بر چوقلری بو ابلقدن مدرسه مدرسلکنه کچمش ، ایچلرنده اوقومق ، یازمق بیلنلر

آر ، سنه لرحه مدرسه سنک سمتنه اوغرامایانلر ، حق مدرسه لری بیلمه یلر چوق . بر ذاتک عهد سنده بر قاج مدرسه مدرسلکی جائز الجمع .

مدرسه لرک داخلی ایشلری ، ضبط و ربطی ، کیجه لری قابیلرک معین ساعتلرده قایمسی ، مدرسه یه کیرن ، چیقانلرک سوزده مراقبه سی ، کیجه کوندوز مدرسه حویلینده و اوپله لرنده بوکسک سسله قونوشیلما مسنک تأمینی ، مدرسه لرک تنظیفات و تطهیراتی بوابلره مودوع . طلبه نک هر هانکی برایشنه عائد علم و خبرلر ، قید ، مرور تذکره سی ، خسته لق کی خصوصاتی حاوی ورقلره ، احسان شاهانه بوصله لری بوابلر طرفندن مدرسه ک اوینه کتیریلیر ، یا خود مدرس طرفندن بوابه امانت ایدیلن مهر رسمی ایله مهرله نیر .

طلبه قید و قبولی ، درس و کالتنجه اجرا ایدیلیر . درس و کالتی مجلسی ، بر درس و کیلی [۱] ایله درسهاملردن اولمق شرطیه متعدد اعضاء فخریه دن مرکب . هیئت تحریریه سی ؛ اوللری ، بر طلبه کاتی ، بالاخره برده مقیددن عبارت . رئیس ایله اعضالر ، هب بر آراده اوطوریر ، طلبه کاتی ده رابر .

هر سنه قید اولنه حق طلبه نک عددی نامحدود . مدرسه لرک ، جوارلرنده کی خانلرک ، بکار اوپله لرینک قابلیت - تبعاییه سی قدر . شوقدر وارکه ، هر هانکی بر مدرسه یه قید اولنمق ایچون بر مدرسه مدرسنک ، کیجه لی کوندوزلی مدرسه نشین در . دیمسی مشروط . بوده ، عرض ایتدیکم کی مدرسه سی و طلبه سن بیلیمین هر هانکی بر مدرس اقدینک ؛ بوابک مهرلندیکی احتیاجه صالح و درس و کالتنجه معمول به بر علم و خبریه ممکن .

قید علم و خبرلری ، نفوس تذکره لرله برلکنده بواب طرفندن طلبه کاتبه تسلیم ایدیلیر ، قیدلری اجرا اولنور . بر مدت صکره ، قید ایچون علم و خبر کوندن بتون طلبه قانییه دعوت اولنور . طلبه کاتی براسکمله اوزرینه چیقار ، بلند آواز ایله و صره ایله اوقور . هر اقدی نفوس کاغذی آلیر . آرتق قید معامله سی ختام بولمشدر . مدرس اقدییه معلومات ویرمکه بیله لزوم یوق .

درس و کالتی مجلسی ، طلبه ایشلریله مشغول اولدینی زمان ، مجلس مصالح طلبه ، نامنی آلیر . رؤس امتحانلری زماننده اسمی و مجلس

[۱] درس و کیلی ، تاریخی بر تعبیرو . سلطان بایزید ، بنا ایتدیکی مشهور مدرسه علمیه سنک مدرسلکنی ، شیخ الاسلام اولانلره شرط و تخصیص ایتشدی . اوزون مدت شیخ الاسلاملر ، بومدرسه ده نشر علوم ایتدیلر . صکره لری شیخ الاسلاملرک کثرت مشغولیتی ، بعضلرینک اهلیت علمیه بی حائز اولما ملری حسیله وکیل ایله تدریس تنسیب اولمش ، او ذاته درس و کیلی دینلشدی . بالاخره مدارس علمیه نک نظارت ده شیخ الاسلام طرفندن بو درس و کیلنه نودیج ایدیلرک بو صورتله احداث اولنان بو مأموریت بوکونه قدر دوام ایتشدر .

یدی سکنز سیکہ بالغ اولان طلبہ وبالعموم مصالح علمیہ نیک مجلس و مرکز ادارہ سی دیمک اولان درس و کالتی ، معاملات قرطاسیہ دن تمامیلہ محتجب . « لاف طور بایہ کیرمن ، دستوری حکمران . طلبہ نیک اسامیسی حاوی بردفترله بردؤس دفترندن باشقه هیچ برقید و قیودہ تابع دکل . مهم ایشلرک ، مهم مضبطه لک بعدالتیض مسودلری بیرتیلوب آتیلماق معتاد . مضبطه نیک بیاضی مهرلندی آرتق هرایش بیتمشدر . اونک ایچون اسکی ایشلره عائد بوکون بر قید بولماق امکانی یوق . برچوق ایشلر شفها کوریلیر . شفاهی امر ونهیلر ، کلمه نیک بتون معناسیلہ مطاع . حتی معاش ووظیفه ضمانتی ده اولیلہ .

بر درسعامدن ، بر مدرسدن انحلال ایدن برپاره ، مثلاً یوزغروش بش کشی به اوزر ؛ اوچ دوت کشی به بشر ؛ بر قاجنده اوچر ؛ بر ایکسینه ایکیشریچق غروش ضم ایدیلیر ، بر بوضله به ضم معاشه مستحق کوریلن افندی نیک اسمی ، آلتنده مقدار ضمی کوریلیر . مهر و امضایه حاجت یوق . قاووقلی طرفندن او بوضله صاحبیه ویریلیر و بخشیس آلیر . معاش کاتبنده خبر کوندریلیر . دها غریبی بوضورتله یوز پاره ، بش غروش ضم کورن بر کاتب ، بر خواجه اقدی ؛ ضمی آلمدن بالذات درس و کاتنه کلیر ، آل اوپر ، دعا آلیر ، صرعیله مستشاره وارنجیه قدر ارکان مشیختک الیرینی اوپر .

هیچ اونوتام ! الیوم شرعیه و کالتی تدریسات مدیریتی قلمنده مستخدم بولان وبلکه ارتوزسنه قدر طلبه کاتبکی یاپان روسه لی رافت اقدی ، بوضورتله بر ضم معاشه او غرادی بی وقت بونک ایچون « دامن پوس » اولمی عزت نفسنه کران کوردیکنی ایشیدن برقاووقلینک « حقه کده ای اولماز صکره ضمدن محروم اولورسک قاریشام ها ! » دیدیکنی یانه یاقیله حکایه ایتمشدی .

بو طرزده اداره امور علما ، همان اوچوز یکرمی بش سنه قدر دوام ایتمش ، مشروطیت اعلان ایدلمکله مطبوعات بر درجه به قدر سربستی به مالک اوله رق درسعاملرک و طلبه نیک بر چوقلری ، حتی مدرسه لرله علاقه دارلق کوسترن بر طاقم ذوات طرفندن ؛ مدرسه لرک اصلاحندن ، طرز اداره نیک هر حالده تبدیلی لزومندن بخنلر باشلامش ، بعض جمعیتلر تشکیل ایتمش ، مدرسه لری ای بر حاله افراغ ایتک احتیاجی لایقله حس و ادراک اوله رق بعض تشبیلر کورلمش ، بوضرعه درس و کالتی طرفندن تنظیم اولنوب مقام مشیختدن ناب عالی به کوندریلن مدارس علمییه نظامنامه نیک تصدیق و تطبیقنه انتظار ایدلمکده بولمشدی .

۱۶ صفر الحیر ۳۲۸ و ۱۳ شباط ۳۲۵ تاریخنده موقع صرعیته وضع اولان و قرق سکنز ماده دن عبارت اولان بونظامنامه ؛ اداری تشکیلاته دائر اساسی بر ماده بی محتوی اولامغله برابر ، طلبه قید و قبولی بر طاقم اساساته ربط ایتمش ، مدرسه مدرسلرینک نزدنده

امتحان ؛ در . فرعه امتحانلری باشلار باسلاماز « مجلس مصالح طلبه و امتحان قرعه » مهرینی باصار .

باب فتوی اتخاذ اولان [۲] اغا قاپیسنک آلت قاتنده ، خلیجک را کد صولرینه ناظر بویوک بر اوطنه نیک اوچ طرفنی دائر آ مادارقوشانان اوزون مندرلرک کوشه سنده کی ارکان شیلته سی اوزرنده زانو بزمن مهابت اولان درس و کیلی افندی نیک یوکسک صدالی « گل » نداسنه منتظر اولان قاووقلی ؛ قاپی ارقه سنده امره آماده . بود گل « نداسنک موقعی » ال چیرمق ، اصوله ترک ابتدکی کثیر الوقوع . بونکله ده اسماع ممکن اولمیشی دقیقه لرده ، ایاغنی بره اورمق ایله قاجی دعوت اولنمی معتاد .

درس و کیلنک امرلری ، مجلسلرک قرارلری ، مدرسله ، درسعاملره ، بوابلره ، طلبیه « قاووقلی » لرتبلیغ ایدر . « دانشمند » نامیلده یاد اولان قاووقلی نیک وظیفه سی متعددر : برد دارلق ؛ درس و کیلنک حضورینه جیقه جقیره دلالت - کلنره اصول تشریفاتی اراده - درسعامدن ویا مجیز علمادن حضوری لازم کلنلری دعوت - درسعامدن اولمایان مدرسه مدرسریله طلبه دن لزوم کوریلنلری جلب و احصار - امتحانلرده درس قاجیرلامسنه دقت - رؤس امتحانی قازانانلری تبلیغ و اعلان - جامع درسنه دوامنده مسامحه سی کوریلن خواجه افندیلره اخطار - قهوه لرده او طوران ویا اوامر مبلغیه و غنماته مخالف حرکاتده بولسان طلبیه یی تکدیر - ایجابنده ضابطه معرفتیه منع - طلبه آراسنده کی نزاعی حل و فصل - حضورهایون درسلری توزیع - مقرر و مخاطبلرک درس لرنده بولملری تأمین - رمضان شریفده وعظ و نصیحتاری تعقیب - مدرسه لرده ویا خارجه خواجه افندیلرک ویا طلبه نیک اجتماعلری تجسس و اخبار . بتون بو وظائف ، بر ، ایکی ، اوچ دانه او قومق ، یازمق بیلیمین قاووقلی ایله ایفا اولنور . قاووقلیر ، درس و کالتنجه شایان اعتماد ، نفوذی ، جر زدی . طلبیه یی ، حتی مدرسری قورقوش . قاووقلی دیدگمی ، بر دیدیکی ایکی اولماز . خصوصیه دور ؛ دور استبداد . طلبه دائماً نظرده .

[۲] مقام مشیخت ، اولجه اغا قاپیسی ایدی . ۱۱۹۷ جالی حریقنده یانان بودائره ؛ یکچیری اوجاغنک العاسی اوزرنه ۱۲۴۱ تاریخنده سلطان محمود اصدار ایتدیکی بر خط هایون ایله دائره فتوی اتخاذ اولمشدر . قاپی اوزرنده شو تاریخ محکومدر :

اغا قاپوسنی ویردی بزم سلطان محمود

۱۲۴۱

باب تزویر ایدی حق قیلدی مقام اقتا

۱۲۴۱

بو تاریخه قدر شیخ الاسلاملر ، کندی قوناقلرنده اقامت ایله ایفاء وظیفه ایدرلردی . ۱۲۵۳ ده استانبول قاضییه ده بورایه کچدی . بایزیده کی حریق قله سی و قتیله اغا قاپیسی داخلنده ایدی . محترق اولدی . « قصر حریق » دیرلردی . الیوم مستعمل اولان (کوشکی) تمبیری او وقتدن قالددر . موجود مخزن اوراق عبدالحمید ثانی نیک یادکاریدر .

انجمن، مدرسه لک عالمی جهترین اهمیت ویر، کله برابر بالخاصه
اداری خصوصاتی جریتله نظره آلمش، او نقطه دن یک نافع اساسلر
حاضر لامشدر.

اوزمان، صدراعظم ولتان مرحوم محمد سعید حلم پاشانک مدارس
علمیه نیک تنظیم و اصلاحنه جدأ اهمیت ویردیکنی، بو خصوصده دایما
خیری افندی ایله مداوله افکار ایتدیکنی، انور پاشا مرحوم ایله عدلیه
ناظری ابراهیم بککده چوق مظاهرت ایلدکرینی بالذات خیری افندی
مرحومدن ایشیتمشدم.

۱۰ ذی القعدة ۱۳۳۲ و ۱۸ ایلول ۳۳۰ تاریخده انتشار ایدن
و اصلاح مدارس، نامیه توسیم اولتان، بو مختصر و مفید نظام نامه؛
مدرسه لرده، اداره نقطه سند، بیوک برتبدل و انکشاف حصوله کتیرمش،
استانبول مدرسه لرینی، دارالعلومیه مدرسه سی نامی آلتنده توحید
ایدرک؛ قسم اول، قسم ثانی، قسم عالی اولمق اوزره اوچ قسمه آیرمش،
[ماده ۱-۲] و هر قسمه برر مدیر عمومی، صنف و شعبه لره برر
مدیر تعیین و مدیر عمومی لری درس و کالته ربط ایلش، [ماده ۵]
درت و کالته مربوط تشکیلاتی کلیاً الفا ایدرک [ماده ۱۵] طلبه
علومک امور و مصالح عمومی سنی بیه درس و کیتک ریاستی آلتنده و فقط
مدیر عمومی لره مؤسسات علمیه مدیرندن مرکب بر مجلس طرفندن تدویر
اساسی قبول ایتمش، [ماده ۱۴] فضله اوله رق مدرسه نیک طرز
اداره سنی تدقیق و تفتیش ایتک اوزره مجدداً بر هیئت تفتیشیه تشکیل
ایلش، تدریساتی جامع لردن مدرسه درسخانه لرینه نقل ایله مدرسه لره یکی
براستقامت، مدرسه حیانتده مهم بر انقلاب وجوده کتیرمش، شیخ
الاسلامنی دوام ایتدیکی مدتیجه صیق صیق، مدرسه لری دور و تفتیش
مدیر لری دایما استماع، مفتش راپور لرینی بالذات تدقیق ایله لزوم کوردیکی
تعدیلاتی، نظام نامه نیک تعیین ایتدیکی شروط دائره سنده ایفا صورتیه
مدرسه لک طریق تکاملده ایلریله سینه جدأ مشکور امکیر صرف
ایلمکدن بر آن خالی قالمشدر.

بالآخره شیخ الاسلام اولان مرحوم موسی کاظم افندی؛
دارالخلافه علیه مدرسه نیک؛ خیری افندی نیک چیزدیکی اساسات دائره سنده
مظهر ترقیات اولمسه چوق چالیشمش، اداری جهترینه ایلشمه یه رک،
حق اهمیت ویرمه رک، تدریسات قسمنده بعض تعدیلات وجوده
کتیرمش، خیری افندی نیک ترتیب ایتدیکی نظام نامه یی، بعض تصحیحات
اجراسیله ۱ جمادی الاخر ۳۳۵ و ۲ نisan ۳۳۳ تاریخی بر قانون ایله
برقات دها توثیق ایلش، و بوقانون موجبجه «قسم اول - قسم ثانی -
قسم عالی - مدرسه المتخصین» ناملرینی «ابتداء خارج - ابتداء داخل
- محسن - سلیمانیه» ناملرینه تحویر و درجات ثلثه مدرسه لرینک مدت
تدریسیه لرینی اوچر سنه یه تنزیل ایتمش، هنوز دیدیکم کبی اداری

دفتر اساسیه یی مجبوری طومش، مدرسه مدرسلرینک، درسهاملرک،
بو ابلرک وظیفه و مامله لرینی تثبیت، طلبه نیک آداب و وظائفنی تبیین ایلش،
کوچک بر دخول امتحاناتی شرط قومش، واک مهم اولمق اوزره
تدریساته دائر بازه جغمر دیگر مقاله ده ایضاح ایده جکمز وجهله - بالکنز
صباح و ابکنزیده اوقونان عربجه درسلره فنونک علاوه سیله بر طاقم
شروح و حواشی زانده یی ترک ایله بر لرینه احصر و انفع اولان آثارک
وضعی قبول و بوتاریخده مدرسه لره تورکجه، ادبیات، ریاضیات،
فارسی، هندسه، جغرافیا، تاریخ، حکمت، جبر، هندسه،
کیمیا، موالید، قوزموغرافیا درسلری ادخال ایلش، عربجه نیک
کافی الساباق جامع لرد، فنون جدیده نیک درسخانه لرده اوقونمسی تسیب
ایلش، ایلک دفعه اولمق اوزره سنه تدریسیه خاننده مدرسه امتحانلری
یابیلش، فقط، بو علمی تحول و انقلابی حسن اداره ایچون اداری
تشکیلاته هیچ اهمیت ویرمه رک بیه درس و کالته شکل سابق ایله
اداره امور ایدیه کلشدر.

خیری افندی مرحوم، مسند آرای مشیخت اولونجه بتون مساعیسی
محاکم شرعیه ایله مدارس اسلامییه به حصر ایتمش، حق مشیختنی قید
ایدن خط هایونده بو جهتلر تصریح اولمشدی. اساساً شیخ الاسلام
اسعد افندی بوسیله استعفا ایتدیرلشدی. [۱]

فی الحقیقه خیری افندی نیک فروه بیضای مشیخت [۲] لابس اولدیندن
بر آرزو کیده، استانبول مدرسه لرینک اصلاحی ایچون بر انجمن علمی تشکیل
و بوبابده لازم کلن قوانین و نظامات احضار ایله مشغول اولدینی شایع
اولدی. دیدی قودی به محل قالمق اوزره خیری افندی مرحوم،
انجمنک مساعی و مقرراتی باب عالیدن کچوب کسب قطعیت ایدنجه یه
قدر خارجدن کیمسه یه سزدرمه مش، امرواق احداث ایلشدی.

[۱] وزیر مهالیمیر محمد سعید پاشا

شیخ الاسلام اسعد افندی نیک وقوع استعفا سینه و مقام مشیخت بالجله محاکم
شرعیه و مدارس علمیه نیک مرجعی اولوب مؤسسات مذکوره نیک احکام شرعیه
و احتیاجات حاضریه کوره تنظیم و اصلاح اموری لاید، بولمسه مبنی
مسند مشیخت اسلامییه عهد استیالته توجیه بیوریلان خیری افندی
فی ۱۸ ربیع الاخر ۳۳۲ و فی ۳ مارت ۳۳۰

[۲] شیخ الاسلامنی احراز ایدن ذواتک، مشیختک توجیه اولدینی
کون باب عالی یه کیدرکن و باب فتوایه کلیرکن لابس اولدینی رسمی برینشدر.
بالکنز بیاض ایک و بیاض صیرمه ایله صورت مخصوصده نسج اولتان بولباسی، باشقه
هیچ کیمسه کییه سزدری، اوللری بوقاش، کورکه قبالاندینی ایچون بوکا «فروه بیضا»
دینیردی. الیوم دائرة فتواده ایی بیاض بنیش وارددر. بریسی اوزون، دیگر
قیصه بویلی شیخ الاسلام لره مخصوصدر. اوزون بویلیسی، مصطفی صبری (افندی) نیک
زمان مشیختنده. یاغورلی بر هواده سزایدن کلیرکن اوتومویلدن ایچری آقان
سیاه و بویالی صولره لکه لشمش، ملوث بر حاله کلشدر.

بونلر، تخریکار کووه لردن قورناریله رق اوقاف اسلامییه موزه سینه نقل
و تشهر ایدیلیرسه اوراده تاریخی و مهم بر موقع اشغال ایدر.

جهتله اصلاً تعرض ایتهمش و بو قانونك صور تطبیقه سی کوستر
۱۶ ذی الحجه ۳۳۵ و ۴ تشرین اول ۳۳۳ تاریخی بر نظام نامه ده نشر
ایتدیره رك بونده ، مدیر عمومیلری درس و کالتی مجلسنده بولندیرمیوب ،
مفتش عمومیلری مجلسك اعضای طبیعه سی و هر قسمك مجلس مدرسیندن
منتخب بر مدرس سی اعضای متخبه سی اولق اوزره قبول ایتمش ، درس
و کالتی معاونلک سی لغو ایشدر .

بو طرز اداره ، اوزماندن اعتباراً استانبولك تورکیایوک ملت مجلسی
حکومتی اداره سنه کچدیکی کونه قدر دوام ایتشدر .

امور شرعی و اوقاف و کالتی دارالخلافه العلیه مدرسه سی تشکیلات
حاضره سی ایوم تبدیل ایتمه مشدر . یالکیز قادرو موجب حجه مفتش عمومیلر
لغو و مرکزده هیئت تفتیشیه تشکیل اولنه رق استانبولده شمیدلک یالکیز
بر مفتش بر اقلمش ، تدریسات مدیریت عمومیه سی نامنی الان درس و کالتی
و مجلس ، انقرده بولندینی ایچون مدارس مدیرلری دوغریدن دوغری به
انقرده کی تدریسات مدیریت عمومیه سنه مربوط اوله ق اداره امور
ایدیلکده بولنشدر .

مدرسه لرك تشکیلاتی ایله مشغول اولان و برنجی مقاله مزك باش
طرفده ذکری کچن انجمن علمی ، ایشه بو کون بومدرسه لرك اداره
خصوصاتی ده تثبیت ایدم جکدر . تفصیلات مبسوطه نك ، استانبول مدرسه
لرینك شمیدی به قدر طرز و صورت اداره سی حقنده ای بر فکر
حصوله بادی اولدیغه قائم . بو کونکی تشکیلاتك اساسی تعدیلاته
مهم احتیاجی وار . بالخاصه مرکزك انقرده بولنسی حسیله .

دارالخلافه العلیه مدرسه سنك بو کونکی مدرسه لرده و بو طرزده
اداره سنه قطعاً طرفدار اولدیغم جهتله بو مدرسه نك طرز اداره سی
حقنده کی دوشونجه لر می بو نقطه دن یوروتیه جکم . برنجی مقاله ده
ایضاح ایتدیکم صورتله مستغنی عنها اولان مدرسه لردن اوج ،
درت بیوک مدرسه وجوده کتیرلمک صورتیه اداره تشکیلات تنظیم
مجبوری وار . بن بوکا قائم . ایوم دارالخلافه العلیه مدرسه سنده ؛
سلیمانیه مدرسه سیله اعاشه قسملری داخل حساب ایدلمه مک شرطیه
اوج مدیر عمومی ، طقوز صنف مدیری ، اوج داخلیه مدیری ،
بیلیم نه قدر شعبه مدیری و بر بلوک معید ، بهاب ، خدمه وار .
مدیر عمومیلر بر برینه مربوط اولماقلری کی استانبولده بر مرجع
اداریلری یوق . هسی دوغریدن دوغری به انقریه مربوط بو شکل
و طرز اداره نك غیر طبیعی اولدینی محتاج اثبات دکدر .

عرض ایتدیکم کی بنالر یولنه کیرر ، طلبه بر آرایه طولانیلریسه .
او وقت ، هر قسم ایچون بر مدیر ایله برر معاون کفایت ایدر
و صحن ، ابتداء داخل قسملرنده داخلیه و انضباط مأمورلرینه لزوم
قائم لاز .

دارالخلافه العلیه مدرسه لری - سلطانیه بکزه مدیکی ایچون -
احضاری ، ابتداء خارج ، ابتداء داخل مدیرلری مستقل بر مدیر عمومی به
ربط و الحاق صورتیه بروحدت اداره تأسیس ایتک الزمدر . بومدیری
استانبولك مدرسه لرینك اداری مرجعی طامیق و مرکز ایله مخبره
عمومی بی منحصرأ بومدیر ایله تأمین ایتک ، کندیسنه صلاحیت ممکنه
و واسعه ویرمک ، بومدیرك معاملات عمومیه بی تدویر و تنظیم ایدم بیلیم سی
ایچون معینه ایکی نهایت اوج کاتب ایله معاشات مسائلیله اشتغال ایتک اوزره
بر محاسب و بر معتمد تعیین ایتک ، استانبولده صرف اداری ایشلرله مشغول
اوله رق امر اداره بی ای بر استقامت ویره بیلیمک ایچون استشاری ماهیته
اولق اوزره مدرسه مدیرلریله داخلیه مدیردن مرکب رانجمن اداره تشکیل
ایتک ، اعاشه معاملاتنده بوانجمندن استفاده ایدم بیلیمک و بویله اوج شیوز
غروش معاشی طاقم طاقم مدیر استخدام ایتمکدن ایسه عددلری نی تنزیل ،
ایشلری نی تنظیم ایتک و فقط کندیلرینك معیشتی تأمین ایدم جک قدر
پاره ویرمک ، حصول مقصدی ، تدریساتده مطلوب اولان انتظام و تکامله
مدار اوله حق بر حسن اداره وجوده کلسنی تأمینه کافی و وافیدر .

کله جک نسجه مزده مدرسه لرك اعاشه ماده سی تدقیق ایتدکن
صکره تدریسات و فیوضاته کچه جکدر .
مفتی زاده

اجتماعیانه غریبیلر و برزغریبیلر :

اصطفای اجتماعی

طریق تمدن و ترقی به منتهی براساس عداولتان غرب تقلید جلیکنك
ملی بنیه ده آجیدینی غیر قابل التیام یاره لر هنوز قانارکن ، کون کچمبورکه
نکی بر جریحه ایله اجتماعیاتر ، عنعناتر رنجیده ایدلمش اولماسین .
اک بدسی بر حقیقتدیکه : ملنر غایه سز ، استناد کاهسز یاشایامارلر .
بو تون هیئات اجتماعیه ایچون سجاا و قابلیت مخصوصه لرینه کوره معین
نقاط توجه موجوددر . مادیاتی : بلاقیود سربستی بی ، سرماییه بی ،
تقسیم ثروتی ، تحکمی ، تساوی بی استهداف ایتک صورتیه یکدیگر بیه
چا پشان بومتضاد وجهه لرك - استقامت و عاقبتلری نه اولورسه اولسون -
تمثیل ایلدکاری ملل مختلفه حقنده ینه برر غایه اوله رق تلقی ممکندر .
فقط هدفلری مطلق بر غریبیلق اولان تجدد اجتماعی طرفدارلرینك
مستقر و معین غایه لرینی هنوز بیلیمورز . غریبیللاشمق خلاصه ایدیلان
بوجربانك اوصاف میزده سنی تثبیت ایتک ایجاب ایدر . عجبا آوروپا
عادات ، اخلاق و مادیاتی احتوا ایدن غرب مدینتک علی العمیا اخذ
و قبولی کی فکرلرله تام و واضح بر معنی افاده سی ممکن اوله بیلیرمی .
غرب عائله مدنییه سی بر جوق افراددن متشککدر . لکن کافیه سی
دین عیسوی به منسوب اولدقلری حالده تشکیلات اجتماعیه لری ، نقاط